

BOSNA I HERCEGOVINA
FEDERACIJA BOSNE I HERCEGOVINE
KANTON 10
OPĆINSKI SUD U LIVNU
Broj: 68 0 St 085248 25 St
Livno, 21.07.2026. godine

OPĆINSKI SUD U LIVNU, stečajni sudija Midhad Osmančaušević, u stečajnom postupku nad M.T.V. D.O.O. Livno, Srđevići, predlagatelja Žaneta Vukadin Srđevići bb Livno zastupana po punomoćniku Slavenu Jukiću odvjetniku iz Livna, o postojanju uvjeta o otvaranju stečajnog postupka, a na prijedlog privremenog stečajnog upravnika Ante Bradvica Ljubuški, Herceg Stjepana Kosače 1088, nakon provedenog ročišta dana 21.07.2026. godine, uz prisutnost punomoćnika predlagatelja Slavena Jukića, odvjetnika iz Livna, privremenog stečajnog upravnika i punomoćnice Kantonalnog poreznog ureda Livno Ivane Klarić, donio je dana 21.07.2026. godine sljedeće:

R J E Š E N J E

Otvara se i odmah se zaključuje stečajni postupak nad stečajnim dužnikom M.T.V. d.o.o. Livno, Srđevići upisan u Registar ovoga suda broj 068-0-Reg-15-000017 od 12.02.2015. godine pod brojem MBS 68-01-0012-15, JIB:4281256820009, za stečajnog upravnika imenuje se Ante Bradvica Ljubuški, Herceg Stjepana Kosače 1088, sa liste stečajnih upravnika.

Po pravomoćnosti ovoga Rješenja isto dostaviti Registru ovoga suda kojem se nalaže da izvrši brisanje stečajnog dužnika M.T.V. d.o.o. Livno, Srđevići koji je upisan pod navedenim brojem.

Troškovi postupka padaju na teret stečajnog dužnika.

Ovo Rješenje ima se objaviti na oglasnoj ploči ovoga suda, Službene Novine F BiH na internet stranici FIA, i elektronskoj ploči suda, uz navedeno Rješenje dopisom dostaviti stečajnom upravniku, da objavi ovo Rješenje u Sl. novinama F BiH.

Rješenje dostaviti predlagatelju stečajnom dužniku.

Obavještavaju se stečajni dužnik, stečajni upravnik i povjerioci, da pravne posljedice zaključenja ovog stečajnog postupka, nastupaju 8 dana od objavljivanja ovoga Rješenja u „Sl. novinama F BiH“.

Obrazloženje

Predlagatelj Žaneta Vukadin Srđevići bb Livno zastupana po punomoćniku Slavenu Jukiću odvjetniku iz Livna, podnijela je ovom sudu prijedlog za otvaranje stečajnog postupka nad predloženikom-stečajnim dužnikom M.T.V. D.O.O. Livno, Srđevići, dana 29.07.2025. godine.

Rješenjem Općinskog suda u Livnu broj 68 0 St 085248 25 St od 24.04.2026. godine otvorio je prethodni postupak nad imovinom stečajnog dužnika Istim Rješenjem za privremenog stečajnog upravnika imenovan je Ante Bradvica Ljubuški, Herceg Stjepana Kosače 1088, sa liste stečajnih upravnika.

Oglas o otvaranju stečajnog postupka objavljen je u „Službenim novinama Federacije Bosne i Hercegovine“ broj 47/26 od 24.06.2026. godine.

Ročište za ispitivanje prijava potraživanja povjerilaca održano je dana 21.07.2026. godine pred Općinskim sudom u Livnu u prisustvu stečajnog upravnika, punomoćnika Porezne uprave FBiH, Kantonalni porezni ured Livno.

Privremeni stečajni upravnik je ostao kod izvještaja o ekonomsko finansijskom izvještaju, detaljno obrazlažući isti, te navodeći da stečajni dužnik već duži period ne obavlja djelatnost, zatim da stečajni dužnik u svome vlasništvu nema ni pokretne ni nepokretne imovine da je račun dužnika blokiran. Predložio je da se usvoji izvještaj privremenog stečajnog upravnika, da zainteresovani povjerioci na ime troškova daljeg vođenja stečajno postupka uplate iznos od 10.000,00 KM, a da se u suprotnom zaključi stečajni postupak zbog nedostatka stečajne mase.

Punomoćnik predlagatelja nije imao primjedbi na Izvještaj privremenog stečajnog upravnika te je isti usvojen u cijelosti, a sud je pozvao povjerioce da u roku od 8 dana od dana održavanja izvještajnog ročišta uplate iznos od 10.000,00 KM ako su zainteresirani za dalje vođenje stečajnog postupka, uz upozorenje da će se stečajni postupak zaključiti zbog nedostatka stečajne mase, ukoliko ne uplate navedeni iznos u ostavljenom roku, shodno članu 196. Zakona o stečaju FBiH (Sl. novine FBiH broj 53/21 i 19/25).

Naime, odredbom člana 196. stav 1. Zakona o stečaju FBiH (Sl. novine FBiH broj 53/21 i 19/25) je propisano da ako se nakon otvaranja stečajnog postupka ispostavi da stečajna masa nije dovoljna za pokriće troškova stečajnog postupka, stečajni sudija će zaključiti stečajni postupak, dok je stavom 2. istog člana propisano da se postupak neće zaključiti ako se predujmi dovoljan novčani iznos.

Obzirom da stečajni povjerioci u ostavljenom roku nisu uplatili predujam u cilju nastavka vođenja stečajnog postupka, da stečajni dužnik nema imovine iz koje bi se naplatili troškovi stečajnog postupka, to je sud shodno odredbi člana 196. Zakona o stečaju FBiH (Sl. novine FBiH broj 53/21 i 19/25), donio odluku kao u izreci ovog rješenja.

Stečajni sudac:
Midhad Osmančaušević

Pouka o pravnom lijeku:

Protiv ovoga Rješenja može se izjaviti žalba u roku od 8 dana od dana objavljivanja, a žalba se podnosi Kantonalnom sudu u Livnu, putem ovoga suda u 3 primjerka.